



RESOLUCIÓN DA ALCALDÍA

Asunto: CREACIÓN DE ÁREAS DE GOBERNO

FEITOS

1 O día 15 de xuño do 2019 constituíuse a Corporación municipal do Concello de Fene xurdida das eleccións municipais celebradas o 26 de maio do 2019. Para un mellor funcionamento da administración municipal cómpre que se proceda establecer as áreas ou sectores de actividade municipal nas que se estruturará o goberno local.

CONSIDERACIÓNS LEGAIS E TÉCNICAS

1 O artigo 43.3 do Real decreto 2568/1986, do 28 de novembro, que aproba o Regulamento de organización, funcionamento e réxime xurídico das entidades locais (BOE número 305 do 22 de decembro do 1986), no parágrafo segundo, dispón que as delegacións xenéricas se referirán a unha ou varias áreas ou materias determinadas, e poderán abarcar tanto a facultade de dirixir os servizos correspondentes como a de xestionalos en xeral, incluída a facultade de resolver mediante actos administrativos que afecten a terceiros.

2 O artigo 25 do Real decreto 2568/1986, do 28 de novembro, establece que as delegacións que pode outorgar o Alcalde segundo o disposto na consideración anterior, deberán adaptarse ás grandes áreas nas que o Regulamento orgánico distribúa os servizos administrativos do Concello.

3 O Regulamento orgánico do Concello de Fene non determina as áreas nas que se distribúen os servizos administrativos do Concello, aínda que, entre outras consideracións, establece no artigo 15 que as delegacións xenéricas referiranse a a unha ou varias áreas ou materias determinadas e poderán abranger tanto a facultade de dirixir os servizos correspondentes, como a de xestionalos en xeral, incluída a facultade de resolver mediante actos administrativos que afecten a terceiros.

Logo de ver canto antecede e considerando a competencia atribuída a esta Alcaldía polo artigo 21.1 a da Lei 7/1985, de 2 de abril e reguladora das bases do réxime local (BOE núm. 80, do 03-04-1985) para a dirección do goberno e administración local, resolvo:

1º Crear as seguintes áreas de goberno local, que poderán ser obxecto dunha delegación xenérica nos termos do artigo 43.3 do Real decreto 2568/1986, do 28 de novembro e do Regulamento orgánico municipal, que se corresponden cos seguintes sectores de actividade e goberno municipal:

I Desenvolvemento territorial e do medio

Esta área comprende as seguintes subáreas:

- ✓ **Urbanismo e vivenda:** comprenderá a xestión das competencias municipais sobre ordenación do territorio e urbanismo, relativas a plans e instrumentos de ordenación urbanística (incluída a súa redacción), xestión urbanística, expropiacións por razóns do urbanismo, políticas municipais de dotación do solo para vivendas sociais, promoción de vivendas sociais, disciplina urbanística, licenzas, comunicacións previas e demais autorizacións.
- ✓ **Obras:** comprenderá a preparación e xestión da planificación das obras municipais.
- ✓ **Servizos:** comprende a xestión dos servizos básicos municipais, ciclo da auga, recollida de residuos, limpeza de vías públicas e infraestruturas urbanas (mobiliario urbano, redes de

Documento asinado electronicamente, pódese validar a sinatura co código indicado na marxe en <https://sede.fene.gal>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).

Praza do Alcalde Ramón José Souto González, s/n.- Tlfno.: 981 49 27 07 / Fax: 981 49 27 88 - 15500 - FENE

CIF: P-1503600-G

(FECHA: 02/07/2019 13:43:00)

Estefanía Manteiga Lamas

(FECHA: 02/07/2019 13:34:00)

FIRMADO POR Gumersindo Pedro Galego Feal

Decreto Nº: 685/2019 - Fecha de decreto: 02/07/2019

Versión imprimible

CVD: 47dNnHbpSq3716R6nbXt
Verificable en la Sede Electrónica del Organismo.



servizos.....), mantemento e conservación de parques, xardíns, zonas verdes, mantemento de edificios e instalacións municipais e o control e seguimento das obras de xestión directa.

- ✓ **Cemiterio:** comprende a xestión dos servizos funerarios do concello.
- ✓ **Medio ambiente:** comprenderá a xestión de políticas municipais do medio ambiente, praias, ríos e ribeiras, deseño de novos espazos públicos, control de pragas, servizo de lacería, promoción da educación ambiental (redución do lixo, recollida selectiva, compostaxe...) e o Punto limpo.

Corresponderá a esta subárea aquelas materiais que se poidan considerar de forma xenérica incluídas nesta área e non estean atribuídas especificamente ás outras subáreas.

II Organización, Seguridade e Dinamización Económica:

Esta área comprende as seguintes subáreas:

- ✓ **Persoal:** comprende a xestión dos recursos humanos, organización e réxime interior do concello, métodos de traballo, relacións cos representantes dos traballadores e arquivo municipal.
- ✓ **Contratación pública e coordinación da licitación:** comprende a xestión dos procesos de licitación municipal
- ✓ **Formación e emprego:** comprende as políticas municipais que garden relación coa promoción do emprego, inserción laboral, formación ocupacional e escolas obradoiros.
- ✓ **Seguridade:** comprende a xestión da seguridade cidadá, control e ordenación do tráfico en vías urbanas, protección civil e policía local. Licenzas e Rexistro de animais perigosos.
- ✓ **Facenda e Patrimonio:** comprende a xestión económica do concello, seguimento e control de investimentos, preparación dos orzamentos, xestión tributaria e recadación, política fiscal, preparación das ordenanzas fiscais, estatística e patrimonio municipal (inventario de bens, dereitos e obrigas; administración e defensa do patrimonio municipal, expropiación forzosa non urbanística).
- ✓ **Promoción económica:** comprende as políticas municipais de dinamización e potenciación da vida económica local, industria, turismo e promoción dos valores turísticos do concello; relacións cos axentes locais na procura de políticas integrais de desenvolvemento e fomento de actividades económicas, promoción das novas tecnoloxías, promoción do comercio e xestión da mellora dos servizos municipais en favor da eficiencia enerxética e na utilización dos recursos públicos; feiras, mercados, abastos, lonxas e comercio ambulante.

III Dinaminación social e transparencia

Esta área comprende as seguintes subáreas:

- ✓ **Cultura:** comprende a xestión e programación das políticas municipais da cultura e das instalacións culturais, así como a normalización lingüística. Asociacionismo.
- ✓ **Xuventude:** comprende a dinamización da OMIX e a xestión de políticas dirixidas á xuventude no eido do tempo libre e ocio.

Documento asinado electronicamente, pódese validar a sinatura co código indicado na marxe na <https://sede.fene.gal>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).

Praza do Alcalde Ramón José Souto González, s/n.- Tlfno.: 981 49 27 07 / Fax: 981 49 27 88 - 15500 - FENE

CIF: P-1503600-G

(FECHA: 02/07/2019 13:43:00)

Estefanía Manteiga Lamas

(FECHA: 02/07/2019 13:34:00)

FIRMADO POR Gumersindo Pedro Galego Feal

Decreto Nº: 685/2019 - Fecha de decreto: 02/07/2019

Versión imprimible

CVD: 47dNnHbPq3716R6nbXt
Verificable en la Sede Electrónica del Organismo.



- ✓ **Deportes:** comprende a xestión e programación das políticas deportivas municipais. Instalacións deportivas.
- ✓ **Ensino:** comprende a xestión e programación das relacións cos centros e coa comunidade educativa, o mantemento das instalacións educativas que sexan da competencia do concello e demais competencias municipais no eido da educación, agás as escolas infantís que estarán incluídas na subárea de benestar.
- ✓ **Participación e información cidadá, transparencia e comunicación:** comprende a dinamización da páxina web, radio municipal, adaptación administrativa e impulso do uso das novas tecnoloxías; Consello de Participación Cidadá, o seu funcionamento e dinamización; posta en marcha da OMIC
- ✓ **Benestar Social:** comprende as políticas municipais de prestación de servizos asistenciais aos cidadáns no eido da normativa de servizos sociais e as escolas infantís.
- ✓ **Igualdade:** comprende as políticas de igualdade, menores, atención ás situacións de marxinación e exclusión social, medidas de integración social, política de inmigración, muller, conciliación da vida laboral e familiar, atención o maltrato familiar, muller e conciliación da vida laboral e familiar e programas de educación familiar.

C I F: P-1503600 -G

2º Correspóndelle á Alcaldía a coordinación do funcionamento das áreas municipais, así como a resolución das cuestións que xurdan no funcionamento ordinario en torno á adscrición a unha área determinada dunha concreta materia.

En Fene, asinado dixitalmente na data que figura na marxe polo Sr. alcalde Gumersindo Pedro Galego Feal, do que eu, Estefanía Manteiga Lamas, como secretaria, dou fe.

FIRMA DO POR GUMERSINDO PEDRO GALEGO FEAL (FECHA: 02/07/2019 13:43:00)

ESTEFANÍA MANTEIGA LAMAS (FECHA: 02/07/2019 13:34:00)

DECRETO Nº: 685/2019 - FECHA DE DECRETO: 02/07/2019

VERSIÓN IMPRIMIBLE

CVD: 47dNnHbpSq3716R6nbXt
Verificable en la Sede Electrónica del Organismo.

Documento asinado electronicamente, pódese validar a sinatura co código indicado na marxe na <https://sede.fene.gal>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).